

# KERATAN AKHBAR

---

TARIKH : 28 JULAI 2023  
AKHBAR : UTUSAN MALAYSIA  
MUKA SURAT : 6

Kerjasama menteri, agensi kerajaan penting laksana Ekonomi Madani

## Kerjasama menteri, agensi kerajaan penting laksana Ekonomi Madani

**KUALA LUMPUR:** Bagi mencapai Ekonomi Madani yang diumumkan oleh Perdana Menteri, Datuk Seri Anwar Ibrahim, menteri-menteri dan agensi yang terlibat perlu bekerjasama untuk melaksanakan setiap dasar yang dibentangkan.

Menurut Timbalan Perdana Menteri, Datuk Seri Ahmad Zahid Hamidi, pembentangan yang dihabarkan oleh Perdana Menteri pada Majlis Pelancaran

Ekonomi Madani menterjemahkan apa yang beliau bentangkan selama ini dalam beberapa pidato dan ucapan politik.

“Menteri-menteri akan terlibat dan dipertanggungjawabkan untuk memperincikan dan menguruskan kepada setiap satu dasar baharu yang akan diumumkan mulai minggu depan secara berperingkat.

“Saya sendiri seperti mana diumumkan akan memben-

tangkan inisiatif atau dasar baharu secara terperinci mengenai Kementerian Kemajuan Desa dan Wilayah (KKDW) pada hari Isnin ini,” katanya selepas Majlis Peluncuran Ekonomi Madani: Memperkasa Rakyat di Suruhanjaya Sekuriti, Bukit Kiara di sini, semalam.

Ahmad Zahid berkata, kerajaan berharap pelaksanaan yang diumumkan mencapai matlamat untuk memacu kedudukan Ma-

laysia sebagai negara yang teratas di rantau ini dan juga untuk berada dalam kedudukan yang tinggi secara relatifnya dengan negara-negara di dunia ini.

“Saya teruja dengan apa yang dibentangkan oleh Perdana Menteri selaku Menteri Kewangan untuk membangun dan membaik pulih ekonomi negara kita supaya berada di tangga teratas dan setaraf dengan negara maju lain,” ujarnya.